



Vår dato:

07.06.2023

Vår ref:

2023/519

Dykkar dato:

Dykkar ref:

23S81478

STIFTINGA MUSEUMSSENTERET I HORDALAND  
Salhusvegen 201  
5107 SALHUS  
Att.Marit E Adelsten Jensen

Saksbehandlar, innvalstelefon  
Solveig Kalvø Roald, 5557 2327

## Tilsegn med forskotsutbetaling av tilskot til tiltak for truga naturtypar - Skjøtsel av artsrik slåttemark og lauveng på Havrå - Osterøy kommune - 2023

---

**Stiftinga museumssenteret Hordaland får tilsegn om 744.000 kroner til skjøtsel av artsrik slåttemark og lauveng på Havrå. Tilskotet vert betalt ut som forskot. Det er knyttt vilkår til tilskotet.**

---

### Innleiing

Vi viser til søknad om totalt 744.000 kr til skjøtsel av verdifulle naturtypar på Havrå.

- 125.000 kr til skjøtsel av slåttemarka som museumssenteret forvaltar (bruk 1, 2, 4 og 6).
- 137.000 kr til slått på areala til Leif Havre (bruk 8 og 11)
- 137.000 kr til slått på areala til Kåre Havre (bruk 9)
- 345.000 til skjøtsel av lauveng i Bergjet

### Regelverk

Ordninga med tilskot til truga naturtypar er heimla i forskrift om tilskot til trua naturtypar. Føremålet med ordninga er å bidra til å ta vare på trua naturtypar slik dette er definert i Norsk raudliste for naturtypar, jf. forskrifta § 1. Grunneigarar, privatpersonar, frivillige organisasjonar, kommunar, verksemder og institusjonar kan mellom anna få tilskot til:

- skjøtsel og vedlikehald
- tilpassa bruk på areal som inngår i drifta av landbruksforetak
- gjerdning
- kartlegging og overvaking i tilknyting til tiltak.

Søknader om tilskot til tiltak for dei utvalde naturtypane og dei trua naturtypane som er høgast prioriterte (gruppe 1) i oppfølgingsplanen for trua natur, skal ifølgje retningsliner frå Miljødirektoratet prioriterast. Det same gjeld tiltak der kunnskapsgrunnlaget er godt.

Når forvaltninga tildeler tilskot gjeld prinsippa i naturmangfaldlova §§ 8-12 som retningsliner ved avgjerda. Vurderinga av miljørettsprinsippa skal kome fram i grunngjevinga.



## Vår vurdering

Statsforvaltaren har motteke søknadar om tilskot til tiltak for trua naturtypar med samla søknadssum langt større enn midlane vi har til rådvelde. Vi har difor vore nøydde til å prioritere.

Dei tiltaka det blir søkt om tilskot til er i samsvar med forvaltingsplan/skjøtselsplan som snart er ferdig for området for Havrå som Utvalt kulturlandskap. Beløpet det blir søkt om er høgre enn om vi skulle ha nytta dei satsane vi har sett opp for skjøtsel av slåttemark og lauveng elles, men Museumssenteret driv på andre premissar enn private grunneigarar. Slåtten på Havrå blir gjennomført med innleid hjelp, og sidan området blir drive som eit museum er det òg andre krav til arbeidsteknikkar enn i andre område. Vi ser verdien av at de med dette er med på å ta vare på arbeidsteknikkar som «handlingsboren kulturarv», og vi er samde om at dette er meir kostnadskrevjande enn skjøtsel i andre område. De får derfor tildelt 744.000 kroner, slik de har søkt om. Dette er om lag same beløp som er tildelt tidligere, og vi veit av erfaring at det er bruk for eit beløp med denne storleiken for å kunne gjennomføre skjøtselsarbeidet på Havrå.

Tiltaket er i samsvar med skjøtselsplan og tilrådd skjøtsel for naturtypen, og inneber ikkje risiko som tilseier at dei miljørettslege prinsippa i naturmangfaldlova § 8 - 12 treng nærare kommentar.

## Avgjerd

De får tildelt 744.000 kr slik de søker om. Sidan tiltaka er del av fast årleg skjøtsel i samsvar med skjøtselsplan, ser vi det som praktisk for begge partar at tilskotet vert betalt ut med éin gong. Som det går fram av vilkåra under kan tilskotet krevjast heilt eller delvis attende dersom tiltaket ikkje blir gjennomført etter føresetnadene i søknaden.

Tilskotet på kr 744.000 vert utbetalt til kontonummer 3625.19.69684 med det første.

## Vilkår

- Sluttrapport skal leggjast inn i elektronisk søknadssenter innan 1. oktober inneverande år.
- Dei som er rekneskapspliktige etter rekneskapslova, skal ta vare på bilag i minst fem år etter avslutting av rekneskapsåret.
- Riksrevisjonen og Statsforvaltaren har rett til å føre tilsyn med at tilskotet vert nytta i samsvar med føresetnadane
- Tilskotet kan krevjast heilt eller delvis attende dersom tiltaket ikkje er gjennomført etter føresetnadene i søknaden.

## Klage

Vedtaket om tilskot kan klagast til Miljødirektoratet, jf. § 28 i forvaltningslova. Klagefristen er tre veker etter at dette brevet er motteke. Ein eventuell klage skal sendast via Statsforvaltaren i Vestland. Du har rett til å gjere deg kjend med dokumenta i saka, jf. forvaltningslova § 18 og 19.



Med helsing

Johannes Anonby  
seniorrådgjevar

Solveig Kalvø Roald  
seniorrådgjevar

*Dokumentet er elektronisk godkjent*

Kopi til:

Osterøy kommune

Postboks 1

5293

LONEVÅG